

【俱生神】（科註第948頁第1行第460集2012年8月10日）

《佛學大辭典》：（神名）與一切人之出生俱生而記人之善惡者。

玄奘譯之藥師本願經曰：「諸有情有俱生神，隨其所作，若罪若福，皆具書之。盡持授與琰〔音眼〕魔法王。爾時彼王，推問其人，算計所作，隨其罪福，而處斷之。」

青丘之藥師經古迹下曰：「傳說：本識與身生，故名俱生神。能熏習故，言具書持。表法王故言授與，由業威力，似神相現。」

善珠之藥師經鈔下曰：「言俱生神者，若約實而言：神即識，俱生神者，即阿賴耶識，以阿賴耶識是受生之主，與身俱時而生，故名俱生。隨諸有情所作罪福皆熏在阿賴耶識中，故言隨其所作乃至皆具書之。」

（又）一說藥師經之俱生神，指華嚴經之同生同名二神。

六十華嚴經四十五曰：「如人從生有二種天常隨侍衛：一曰同生，二曰同名。天常見人，人不見天。如來神變，亦復如是。非諸聲聞所能知見，唯諸菩薩，乃能睹見。」

藥師經鈔下曰：「倫法師云：俱生神者，即如淨土三昧經

說，同生同名二神，及華嚴等有文也。」